



«Նոր ժամանակի կրթություն» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Հետազոտության թեման՝ Ուսուցիչների համագործակցությունը

սովորողների ծնողների կամ նրանց օրինական

ներկայացուցիչների հետ կրթության կազմակերպման և

դաստիարակության հարցերում:

Առարկան՝ Քիմիա

Հետազոտող ուսուցիչ՝ Գյուլլվարդ Աբգարյան

Ուսումնական հաստատություն՝ Բաղրամյանի միջնակարգ դպրոց

Երևան 2023

Հետազոտական աշխատանքի վերաբերյալ հաշվետվություն

Հետազոտությունն իրականացնող ուսուցչի տվյալներ

Անուն, ազգանուն

Գյուլվարդ Աբգարյան

Աշխատավայր(դպրոցի լրիվ անվանումը)

Բաղրամյանի միջնակարգ դպրոց

Մասնագիտություն

Ուսուցչուհի

Հեռախոսահամար

093-16-06-91

Էլ. հասցե

vardabgaryan1991@gmail.com

Դասավանդվող առարկա (առարկաներ)

Քիմիա

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	3
1.1 ՀԵՏԱԶՈՏՈՒԹՅԱՆ ԹԵՄԱՅԻ ԱՐԴԻԱԿԱՆՈՒԹՅՈՒՆԸ ԵՎ ԴՐԱՆՑ ՀԱՇՎԱՌՈՒՄԸ ՈՒՍՈՒՑՉԻ ԵՎ ԾՆՈՂՆԵՐԻ ԿՈՂՄԻՑ ԿՐՈՒԹՅԱՆ ԵՎ ԴԱՏԻԱՐԱԿՈՒԹՅԱՆ ԸՆԹԱՑՔՈՒՄ .	5
1.2 ՀԵՏԱԶՈՏՈՒԹՅԱՆ ՆՊԱՏԱԿԸ ԵՎ ԽՆԴԻՐՆԵՐԸ.....	6
2. ԳՐԱԿԱՆՈՒԹՅԱՆ ՎԵՐԼՈՒԾՈՒԹՅՈՒՆ.....	7
2.1 Երեխաների տարիքային առանձնահատկությունները և դրանց հաշվառումը ուսուցչի և ծնողների կողմից կրթության և դաստիարակության ընթացքում.....	7
2.2 Ուսուցչի համագործակցությունը սովորողի ծնողի հետ՝ որպես սովորողի առաջադիմության ու զարգացման անհրաժեշտ պայման:	10
3. ՀԵՏԱԶՈՏՈՒԹՅԱՆ ԸՆԹԱՑՔԸ	13
4. ԵԶՐԱԿԱՑՈՒԹՅՈՒՆ	14
ԳՐԱԿԱՆՈՒԹՅԱՆ ՑԱՆԿ.....	16

ՆԵՐԱԾՈՒԹՅՈՒՆ

«Երեխայի մասին արդարացի և ճիշտ դատելու համար չպետք է նրան իր ոլորտից տեղափոխել մերը, այլ ինքներս պետք է վերաբնակվենք նրա հոգևոր աշխարհում»:

Ն. Պիրոզով

Մեր օրերում երեխաներ մեծացնելն ավելի բարդ է, քան երբևէ եղել է: Ավելի ու ավելի է բարդանում իրավիճակը, երբ կիրառում են կրթության կազմակերպման և դաստիարակության «հնացած» մեթոդներ:

Նախկինում երեխաների դաստիարակության գործում առաջնությունը տրվում էր ուսուցիչներին՝ անտեսելով սովորողի ընտանեկան կրթական միջավայրի առաձևահասկությունները: Այժմ, երբ երեխայի հետ փոխգործակցության օպտիմալ մոդելը ուղղված է անձին ու նրա համակողմանի զարգացմանը, ուսումնական հաստատություններում կրթական ծրագրերը պետք է իրականացվեն՝ հաշվի առնելով սովորողի անհատականությունը: Իսկ ինչպես հայտնի է՝ անհատականությունը ձևավորվում է ընտանիքում, քանի որ երեխան իր ժամանակի մեծ մասն անցկացնում է ընտանիքում, և նրա զարգացման վրա մեծ ազդեցություն ունի ընտանեկան միջավայրը: Շատ հաճախ կարելի է լսել այն կարծիքը, որ ամեն ինչ ընտանիքից է գալիս: Սա մասամբ այդպես է: Հիմնական բնավորության գծերը կամ գենետիկորեն են փոխանցվում, կամ ձևավորվում են ծնողների ազդեցության արդյունքում՝ մանկության տարիներին: Սակայն դա չի փոքրացնում դպրոցի դերը անհատի ձևավորման և դաստիարակության գործում: Հետևաբար պետք է իրականացնել համագործակցություն ուսուցչի, սովորողի ընտանիքի հետ: Ժամանակի հետ այդ համագործակցությունը դառնում է ավելի արդիական և պահանջված: Դպրոցի և ընտանիքի համագործակցությունն իրենից ներկայացնում է նպատակաուղղված և երկարատև աշխատանք, որն էլ իր հերթին ենթադրում է գործողությունների մի ամբողջական համակարգ՝ ուղղված սովորողի կրթական կարիքների ու

պահանջմունքների վերլուծությանն ու բարելավմանը: Ուսուցչի և սովորողի ծնողի կամ նրա օրինական ներկայացուցչի միջև համագործակցությունը պետք է իրականացվի՝ պահպանելով էթիկայի նորմերը:

1.1 ՀԵՏԱԶՈՏՈՒԹՅԱՆ ԹԵՄԱՅԻ ԱՐԴԻԱԿԱՆՈՒԹՅՈՒՆԸ ԵՎ ԴՐԱՆՑ ՀԱՇՎԱՌՈՒՄԸ ՈՒՍՈՒՑՉԻ ԵՎ ԾՆՈՂՆԵՐԻ ԿՈՂՄԻՑ ԿՐԹՈՒԹՅԱՆ ԵՎ ԴԱՍՏԻԱՐԱԿՈՒԹՅԱՆ ԸՆԹԱՑՔՈՒՄ

Տվյալ հետազոտության արդիականության հիմք է հանդիսացել կյանքի՝ մարտահրավերներով լի ժամանակահատվածում սովորողի կրթական կարիքների ապահովման շրջանակներում ծնող-ուսուցիչ հաստատուն կապի անհրաժեշտությունը, որը կարող է մեծ ազդեցություն ունենալ սովորողի ուսումնադաստիարակչական գործընթացի որակի բարձրացման վրա:

Երբ ծնողը արդյունավետ ներգրավվածություն ունի զավակի կրթության գործընթացում, աշակերտն ավելի բարձր ակադեմիական առաջադիմություն է գրանցում և ավելի արժևորված է զգում իրեն:

Դասարաններում աշակերտների մեծ քանակով պայմանավորված և հետևաբար ժամանակի սղության պատճառով հնարավոր չի լինում անհրաժեշտ ուշադրություն դարձնել, բավարար ժամանակ տրամադրել յուրաքանչյուր աշակերտի գիտելիքների լիարժեք ստուգմանը՝ անկախ նրա առաջադիմությունից, ակտիվությունից և այլնից:

Այս պարագայում առաջնային է դառնում ուսուցիչ-ծնող փոխհամագործակցությունը՝ միասնական ուժերով բացասական տարաբնույթ երևույթները արմատախիլ անելու և գոնե դրական անհրաժեշտ նվազագույնը սերմանելու նպատակով:

1.2 ՀԵՏԱԶՈՏՈՒԹՅԱՆ ՆՊԱՏԱԿԸ ԵՎ ԽՆԴԻՐՆԵՐԸ

- Սերտ համագործակցություն ապահովել դպրոցի և սովորողի ծնողի միջև:
- Հնարավորինս ներգրավել ծնողներին գավակների ուսումնադաստիարակչական գործընթացում դպրոցի կազմակերպած դասարանական և արտադասարանական միջոցառումներին:
- Նպաստավոր պայմաններ ստեղծել աշակերտների սոցիալական զարգացման, դաստիարակության և կրթության համար:
- Ցույց տալ ուսման և դաստիարակության ընթացքում ուսուցչի և ծնողների կողմից երեխաների տարիքային առանձնահատկությունների հաշվառման կարևորությունը:
- Ներկայացնել ծնող-ուսուցիչ արդյունավետ համագործակցության դրական ազդեցությունը սովորողի ուսումնադաստիարակչական գործընթացում:

Հետազոտության խնդիրը՝

- Ինչպե՞ս ներգրավել ծնողներին աշակերտների ուսումնադաստիարակչական խնդիրների լուծման պրոցեսին:
- Ինչպե՞ս ներգրավել ծնողներին իրենց երեխաների ուսմանը և դաստիարակությանը վերաբերող հարցերի մասին ընդհանուր որոշումներ կայացնելու գործին:

Հետազոտության վարկած և հարցեր

Մենք ենթադրում ենք, որ միայն դպրոց-ընտանիք սերտ կապի և համագործակցության շնորհիվ կարելի է հասնել ուսումնադաստիարակչական գործընթացում առաջ քաշած նպատակներին:

Ի՞նչ չափով է ծնողների ներգրավվածությունն ազդում աշակերտների առաջադիմության վրա:

2. ԳՐԱԿԱՆՈՒԹՅԱՆ ՎԵՐԼՈՒԾՈՒԹՅՈՒՆ

2.1 Երեխաների տարիքային առանձնահատկությունները և դրանց հաշվառումը ուսուցչի և ծնողների կողմից կրթության և դաստիարակության ընթացքում

Տարիքային մանկավարժությունը մանկավարժական գիտության կարևոր ճյուղերից մեկն է և ուսումնասիրում է դաստիարակության և ուսուցման առանձնահատկությունները, երեխաների դինամիկ զարգացման մի փուլից հաջորդին անցնելու օրինաչափությունները;

Օրգանիզմի յուրաքանչյուր ֆունկցիա ունի իր բուն զարգացման որոշակի փուլեր, որը ճգնաժամային է կոչվում, քանի որ այդ ժամանակաշրջանում է որոշվում այդ ֆունկցիայի հետագա ճակատագիրը:

Օրինակ գայլերի ոհմակում մեծացած երեխաներն այլևս խոսել չեն կարողանում, քանի որ վաղ հասակում չեն լսել մարդկային ձայն:

Այսպիսի օրինաչափությունը պահանջում է սպառիչ իմացություն ամեն մի ժամանակաշրջանի հնարավորությունների և դրանք իրականության վերածելու ուղիների մասին:

Այստեղ փաստորեն խոսքը սենսիտիվ տարիքի մասին է (լատ. sensitives-զգայուն), այսինքն մարդու օնտոգենիկ զարգացման այն շրջանի մասին է, երբ արտաքին որոշ ներգործությունների նկատմամբ երեխան դրսևորում է արտակարգ զգայունակություն, որի շնորհիվ լավագույն ներքին պայմաններ են ստեղծվում հիշողության, մտածողության և հոգեկան այլ պարագաների զարգացման համար:

Գերզգայուն փուլում ուսուցումը և ընդհանրապես դաստիարակությունը առավել արդյունավետ են ընթանում (Ա. Նալչաջյան):

Այժմ ներկայացնենք մի քանի տվյալներ յուրաքանչյուր տարիքային շրջանի մասին:

Կրտսեր դպրոցական (6-10 տարեկան)

Վեց տարեկան հասակում երեխային սպասվում է կյանքի առաջին մեծ փոփոխությունը: Դպրոցական տարիքին անցումի կապված է մեծ փոփոխությունների

հետ նրա գործունեության, շփման, այլ մարդկանց հետ հարաբերություններ ունենալու ընթացքում:

Առաջատար գործունեությունը դառնում է ուսումը, փոխվում է կյանքի դրվածքը, առաջ են գալիս նոր պարտականություններ, փոխվում է նաև երեխայի և նրան շրջապատող մարդկանց փոխահարաբերությունները:

Միջին դպրոցական ((10-11)-15 տարեկան)

Արդեն փոքր չէ, սակայն դեռ մեծ էլ չէ; Ամենամեծ տհաճությունը, որ ապրում են երեխաների այս տարիքում, ծնվում է ավագների ներկայացրած պահանջների երկու ստանդարտից: Երբ մեծերին պետք է, ասում են՝ դեռ փոքր ես, չի կարելի: մեկ ուրիշ անհրաժեշտության դեպքում էլ ասում են՝ արդեն մեծ ես, պետք է հասկանաս:

Կարևորվում է նրա ֆիզիկական զարգացման համար բարենպաստ պայմանների ստեղծումը՝ ապահովելով առավոտյան մարմնամարզական շարժումները, շարժական խաղեր, մաքուր օդում շատ մնալը:

Այս տարիքի համար ամենահատկանշականը սեռական հասունացումն է, որը լուրջ փոփոխություններ է կատարում օգրանիզմի կենսագործունեության մեջ, առաջացնում է նոր ապրումներ, սկսում ձևավորել փոխահարաբերությունների նոր ոճ երկու սեռերի միջև:

Կարևոր փոփոխություններ են կատարվում նրա հոգեկան աշխարհում: Այս հասակը հաճախ բնութագրվում է որպես բարոյական ճգնաժամերի շրջան: Դեռահասը դառնում է համառ, ինքնամփոփ, հաճախ է զայրույթի պահեր ունենում, կոնֆլիկտների մեջ մտնում, եթե հաշվի չեն առնում նրա տարիքային առնաձևահատկությունները, չեն հարգում նրա արդեն որոշակի որակի հասած ինքնասիրությունն ու արժանապատվության զգացումը:

Նրանք հաճախ են իրենց կուռք ընտրում ոչ այնքան էլ բարոյապես աչքի ընկնող, սակայն ուժեղ և համարձակ մարդկանց: Այնքան էլ հազվագյուտ չէ, որ նրանց շրջանում մեծ հարգանք են վայելում «գողական տղաները» ու խոսելու «գողական» ոճը:

Դասերի նկատմամբ ցուցաբերում է ընտրովի վերաբերմունք: Հետաքրքիր դասերը և հետաքրքիր գործերը գրավում են նրան:

Ավագ դպրոցական: (15-18 տարեկան)

Ավատրվում է ֆիզիկական աճը: Ավարտվում է նաև սեռական հասունացման հիմնական շրջանը, և ապահովվում է ողջ օգրանիզմի ընդհանուր հասունացումը:

Դասերին նպատակահարույց ուսուցման բացակայությունը և աշակերտներին մտավոր աշխատանքով զբաղվելու շահագրգռելու անհրաժեշտության անտեսումը հանգեցնում է շատ առարկաների նկատմամբ բացասական վերաբերմունքի ձևավորմանը:

Այս տարիքում հատկապես ուժեղանում է ուսման մեջ անձամբ իր համար իմաստ որոնելու ձգտումը, որը միաժամանակ դրական երևույթ է: Եթե աշակերտը չի գտնում այդպիսի իմաստ, ապա հրաժարվում է ուսումից կամ առանձին առարկաներ սովորելուց: Իսկ դրա մանկավարժական պատճառները գտնվում են կրթության բովանդակության և ուսուցման մեթոդների մեջ:

Այս տարիքում ճիշտ դաստիարակության շնորհիվ մեծանում է ռեֆլեքսիայի դերը ավագ դպրոցականի բարոյական կերպարի ձևավորման գործում: Նա դառնում է ավելի պահանջկոտ իր նկատմամբ ևս. լրջորեն է զբաղվում ինքնադաստիարակությամբ:

Այդ ամենը լուրջ խնդիրներ են ներկայացնում ընտանիքին և դպրոցին:

2.2 Ուսուցչի համագործակցությունը սովորողի ծնողի հետ՝ որպես սովորողի առաջադիմության ու զարգացման անհրաժեշտ պայման

Դպրոցի, ընտանիքի և արտադպրոցական դաստիարակչական հիմնարկների համագործակցությունը պայմանավորված է մանկավարժական անհրաժեշտությամբ:

Դպրոցի, ընտանիքի և արտադպրոցական դաստիարակչական հաստատությունների դպրոցականների դաստիարակության և կրթության ֆունկցիաներ իրականացնող ինքնուրույն պետական և հասարակական ինստիտուտներ են: Դրանք երեխաների դաստիարակության հարցում ունեն յուրահատուկ ֆունկցիաներ, իրավունքներ և պատասխանատվություն, որոնք կարգավորվում են օրենքով և կրթության համակարգի ղեկավար մարմինների որոշումներով, մեթոդական մանկավարժական ցուցումներով և հանձնարարականներով:

Մանկավարժական ամբողջական գործընթացի ներքին տրամաբանությունը պահանջում է երեխաների դաստիարակությունն իրականացնող բոլոր սուբյեկտների սերտ կապ, միասնական, համաձայնեցված գործունեություն:

Ինչ վերաբերվում է ընտանիքին, ապա այն, որպես կրթական կոլեկտիվ, ունի մի շարք առանձնահատկություններ: Առաջին հերթին այն կոլեկտիվ է՝ միավորված ոչ միայն ընդհանուր նպատակով, այլև ազգակցական կապերով: Ծնողական զգացմունքները, ծնողական սերը մի տեսակ կատալիզատոր են, որն արագացնում է անձի զարգացումը: Սա համեմատաբար կայուն թիմ է, որտեղ շփումը տեղի է ունենում անընդհատ, հնարավոր ամենալայն տարածքներում, տարբեր գործունեություններում:

Ընտանիքում է դրվում և ապահովվում անհատականության կարևորագույն գծերի դաստիարակությունը: Դրանում սովորողը ստանում է աշխարհի մասին առաջին պատկերացումները, այստեղ ձևավորվում է հասկացություններ, հայացքների, զգացմունքները, սովորությունների ֆոնդը, որն ընկած է անհատի բարոյական ձևավորման հիմքում: Միայն ընտանիքում է հնարավոր ստեղծել և

վերարտադրել իսկապես ազգակցական հարաբերությունների մշակույթ, տիրապետել սոցիալական կարևորագույն դերերին, ձևավորել մշակույթ, հարստացնել բարոյական փորձը:

Ծնողների հետ փոխգործակցությունը դպրոցի և յուրաքանչյուր ուսուցչի աշխատանքում հրատապ և բարդ խնդիրներից է:

Ընտանիքները շատ տարբեր են, յուրաքանչյուրն ունի իր խնդիրներն ու դժվարություններն, ուստի հնարավոր չէ պատրաստի և միակ ճիշտ պատասխանը տալ այն հարցին, թե ինչպես շփվել ընտանիքի հետ: /Վ. Դ. Սեմյոնով/

Շատ բան կախված է ուսուցչի հմտությունից, ինտուիցիայից, ով պետք է վերլուծի տարբեր հանգամանքների համալիրը, որեպզգի ճիշտ որոշում կայացնի որոշակի իրավիճակում ծնողների և սովորողի հետ շփվելու մեթոդների և միջոցների ընտրության հարցում:

Ծնող-ուսուցիչ, կապի պահպանումը ուսումնական գործընթացում աշակերտի հաջողության բանալին է, իսկ ծնողների և դպրոցի միջև կապի բացակայությունը, ինչպես նաև դպրոցի ու ծնողների չհամաձայնեցված գործողությունները վնասում են երեխայի կրթությանն ու դաստիարակությանը:



Այսպիսով ծնողների և ընտանիքների ներգրավումը ապահովելու համար ուսուցիչը պետք է՝

- Դիտի ծնողներին որպես գործընկերներ

- Կանոնավոր կերպով հաղորդակցվի նրանց հետ
- Ներգրավի ծրագրերի մասնակցությանը
- Նպաստի տնային պայմաններում ուսման զարգացմանը
- Աջակցի ընտանիքներին ռեսուրսներից և ծառայություններից օգտվելու հարցում: /«Քայլ առ քայլ»-ի չափորոշիչների կիրառումը դասարաններում/:

Արդյունքում սովորողը միշտ կլինի ուշադրության կենտրոնում, կլինի կառավարելի:

«Ծնողների ներգրավվածություն» տերմինը նշանակում է միասնական և անընդմեջ պատասխանատվություն աշակերտի հաջողությունների և ուսման բարելավմանը, ինչպես տանը, այնպես էլ դպրոցում: Երբ ծնողը ներգրավված է զավակի կրթության գործընթացում, աշակերտն ունի ավելի բարձր առաջադիմություն, այդ նույն ժամանակ բարելավվում է հաճախման ցուցանիշը, սովորողի մոտ զարգանում է սոցիալական շատ կարևոր հմտություններ և նրա վարքը դական է դառնում, ինչպես տանը, այնպես էլ դպրոցում:

<http://kargishkola.ge/parent/pdf/peguide> Armenian PDF

Ծնող-դպրոց կապը ավելի կամրապնդվի, եթե հաճախակի հրավիրվեն ծնողական ժողովներ, հանդիպումներ, խորհրդատվություններ, տարբեր հետաքրքրաշարժ միջոցառումներ: Այդ կապը ևս ավելի կզարգացնենք, եթե օգտագործենք ժամանակակից տեխնոլոգիաներ: Ժամանակակից տեխնոլոգիաները /համակարգիչ, հեռախոս/ հնարավոր են դարձնում քննարկումները կատարել հեռավար: Տեխնոլոգիաները հնարավորություն են տալիս երեխայի կրթական կարիքների և ուսման առաջադիմության կամ կարգապահական խնդիրների մասին տեղեկանալ ավելի շուտ:

3. ՀԵՏԱԶՈՏՈՒԹՅԱՆ ԸՆԹԱՑՔԸ

Դիտարկումներն ու ուսումնասիրությունները ցույց են տվել, որ տարրական դասարներում ծնողներն ավելի են ներգրավված ուսումնական գործընթացին, հաճախակի ինքնակամ այցելում են դպրոց, դպրոց-ծնող -ուսուցիչ կապն ավելի ամրապնդված է, քան միջին և բարձր դպրոցներում:

Հետևաբար, լինելով 8-րդ դասարանի դասուղեկ, ես ինքս փորձեցի կոնկերտ իմ դասարանի աշակերտների ծնողների հետ ավելի սերտ կապ ստեղծել:

Նշեմ, որ սովյալ դասարանի ծնողներն ի սկզբանե դրական վերաբերմունքն են դրսևորում դպրոցի և դասարանի ներքին կանոնադրությանը և դրանով իսկ իմ աշխատանքը փոքր ինչ դյուրին դարձնում:

Բացի դասարանի դասուղեկի դաստիարակչական աշխատանքներում ներառված դասուղեկական ժամերի և ծնողական ժողովների, անցկացվեցին հանդիպումներ, խորհրդատվություններ և այլ միջոցառումներ՝ ծնողների հետ ավելի սերտ կապ հաստատելու նպատակով:

Կազմակերպվեցին այցելություններ դեպի թանգարան, պատկերասրահ, զվարճանքի վայրեր, որտեղ ներգրավված էին ծնողները, ինչպես կազմակերպչական հարցերում, այնպես էլ մասնակցության առումով: Այս ամենն ավելի մտերմացրեց աշակերտներին ծնողների և ուսուցչի հետ, չէ որ այս տարիքում աշակերտները փոքր ինչ ձգտում են շփվել և կիսվել հասակակիցների հետ, որոնք «կեղծ հեղինակություն» են վայելում իրենց շրջանում:

4. ԵԶՐԱԿԱՑՈՒԹՅՈՒՆ

Այսպիսով ելնելով մեր իրականացրած ուսուցիչ-ծնող համագործակցությունից, վերանայելով արդյուքները, կատարեցինք դիտարկումներ.

- Համագործակցությունը դրական կերպով ազդեց սովորողների ուսումնառության և դաստիարակության վրա:
- Անհարժեշտ է հաճախակի իրականացնել ծնողական ժողովներ, հանդիպումներ, զրույցներ և այլն:
- Ուսումնասիրել սովորողների տարիքային առանձնահատկություններով պայմանավորված վարքային շեղումներն ու գտնել միասնական լուծման տարբերակներ:
- Անհրաժեշտ հանգամանք է մանակավարժական խորհրդատվությունը ծնողին, քանի որ ուսուցիչը կարող է կիսվել իր մասնագիտական գիտլիքներով ու փորձառությամբ:
- Գլխավոր պայմաններից է փոխադարձ հարգանքն ու գիտակցումը, որ ծնող դպրոց արդյունավետ աշխատանքի արդյուքն է դաստիարակված ու գիտակից անձնավորություն ձևավորելը:
- Մեր իսկ աշխատանքով ծնողի մոտ վստահություն առաջացնենք դպրոցի նկատմամբ:


Ամփոփելով վերը ասվածը՝ նշենք, որ ուսուցիչները և ծնողները ունեն ընդհանուր նպատակներ և առանց նրանց համագործակցության երեխայի կյանքը լիարժեք չէ:

Մանկավարժից և դպրոցից պահանջվում է ուշադիր հետևել երեխաների տարիքային զարգացմանը և համապատասխան փոփոխություններ կատարել դաստիարակության և ուսումնառության ընթացքում: Դպրոցը երեխային տալիս է գիտական գիտելիքներ և դաստիարակում ապագա գիտակից անձնավորություն:

Ընտանքին էլ իր հերթին ապահովում է կյանքի պրակտիկ փորձը:

Այժմ ընտանիքի և դպրոցի համագործակցությունը գնալով ավելի արդիական և պահանջված է դարձել: Ընտանիքը պետք է գործի դպրոցի հետ համատեղ:

Ուստի մանկավարժությունը պետք է դառնա գիտություն և ուսուցիչների, և՛ ծնողների համար, հետևաբար կարևոր և հրատապ խնդիրներից է դպրոց-ընտանիք համագործակցությունը:



ԳՐԱԿԱՆՈՒԹՅԱՆ ՑԱՆԿ

1. Սեմյոնով Վ. Դ. «Փոխազդեցություն դպրոցի և սոցիալական միջավայրի միջև»:
2. Սեմյոնով Վ. Դ. «Մանկավարժություն»
3. Ղույումչյան գիրք II «Մանկավարժություն» Երևան 2005
4. Մանուկյան Ս. «Մանկավարժագիտություն», Երևան 2002:
5. Подласый И. П. “Педагогика” 2003.
6. <http://kargiskola.geoparent/pdf?PE> GUIDE Armenian.pdf